



Rabu, 1 Januari 2025

Ogen : YESAYA 43:19



Kejadin-Kejadin Si Mbelin



Sada barang ikataken mbaru adi lenga pernah ipake kalak sideban, kita pemena si makesa.

Man bangsa Israel ikataken Tuhan arah nabi Jesaya, "Ku bahan pagi kejadi-kejadi si mbaru," si lenga pernah ibahan Tuhan sope si e. Kejadi-kejadi si mbaru guna kiniulin bangsa Israel. Paksa e bangsa Israel lit i bas kiniseran erkiteken iperbudak bangsa Babel. Enggo kelsehen ras ngelabuh bangsa e nginget bage dekahna ia iperbudak. Tapi mindo man Tuhan lanai ia pang erkiteken enggo melala perbahanenna si encedai pusuh Tuhan.

Tuhan e ngidah pusuh bangsana. Labo rasa lalap ate Tuhan bangsaNa iperbudak. Amin pe lanai ia pang mindo penampat man baNa, lit sura-suraNa lako mulahisa. E maka nina, "Ku bahan pagi kejadi-kejadi si mbaru, e me mulahi kam i bas perbudaken nari." Tuhan pagi nampati bangsaNa naluken tentara-tentara musuh bangsaNa. Bagi enggo ibahan Dibata pasar i bas gurun pasir, janah lau mbelin maler arah je guna mulahi Israel. Bage ka pagi i bahan Dibata alu kuasaNa, lit kejadi si mbelin lako nampati ras mulahi bangsaNa. Cara Tuhan nampati bangsana labo tersipati kita. Mbelinsa perbahanenNa e si man tangkelennta. Ise pe labo ngasup njaka perukuren Dibata. Saja, sura-suraNa nampati bangsaNa.

Situhuna, melala kejadi-kejadi si ibahan Tuhan guna nampati kita tahun-tahun si lepas. Janah i bas tahun si mbaru enda pe sura-sura Tuhan tole nari erbahan kejadi-kejadi si mbaru man banta. Kejadi si lenga pernah si angka tapi si e kerina guna kiniulinta. Si penanam-nanamlah perbahanen Tuhan e. *Tuhan*

setia nehken padanNa



Blank writing area with a wavy top edge.